

王

儲

金

德

興

成

王儲金德興成

序



憶昔癸未秋。余在燕都。其
時疫。病大作。患者胸腹稍
滿。生白毛如羊。日死人數
千。竟不知所名。有海昌明

經李君見之曰此痰也挑
之以鍼血出病隨手愈於
是城中昇而就醫者亦日
以千計皆得愈而去頃之
症變而爲嗽嗽甚輕不半

日隨斃時李君已出都有
知者曰此亦痧也。用前法
挑之亦隨愈焉。余時目擊
其事。歸而與知醫者言之。
卒疑信交半。無何則吾鄉

挑痧之法盛行矣。先是鄉
人有糞穢感痧。例用錢物。
蘸油而刮。及此多用挑。然
行之大都婦人。以故爲名。
醫者不道。及考諸醫書。古

時未有論及。後人稍有青
筋之說。仍略而不詳。因而
求人之信者少。疑者益多。
用藥之方。遂置之不論。人
不幸犯是症。無得全者。噫

是可憫也。友人右陶郭君。
明理讀書。旁按醫學。見近
之患痧者。日益衆。而治痧
者不聞。乃精心殫思。推原
於小兒痧疹之理。兼求之。

古方多有不言痧而見痧

之意者。且驗之諸所救療。

無或爽。因以自信。遂發願

廣之天下後世。爲百千萬

人命之救。著有玉衡一書。

右陶之心切矣。右陶之功
大矣。右陶嘗言。痧本無定
脈。凡脈與所患之症。不相
應者。卽爲痧之脈。痧亦無
定症。或感風。或感食。或感
勞。或感

痰而以本症治之不效者
皆爲痧之症爲立之方使
知遵也爲記之驗使知信
也後以藥性終之使知用
之有宜不宜不與他症同

也。右陶治痧之法。於是書
乎全。而世人將讀其書以
治痧。兼以治右陶之所不
及治。右陶之心。於是大快。
雖不欲居其功。功又安歸。

哉。余既見痧之事。又信右
陶之說。敢爲之言。雖然。不
足爲愚者道也。

省

康熙十四年乙卯重陽日

氣。熱。十。四。半。乙。地。重。蜀。日。

昔

吳。孫。愚。香。能。也。

國。之。錯。姪。然。之。言。雖。然。不。

錯。余。獨。見。其。之。事。又。計。可。

自敘

嘗論一元運化。升而爲天。凝而爲地。人生其中。道配三才。惟其克佐天地之所不及也。所以大之兵農禮樂。小之屠釣工商。缺一不可。而況炎帝肇創。嘗藥療病。尤斯人生死所係者乎。歷代相沿。神醫迭出。載籍紛紛。惟救疾苦。孰意痧脹一症。時有懸命須臾。兆變頃刻者。竟置

不論如雲林龔先生所誌諸書。歷有年矣。迄今誦法不衰。時多宗之。然云青筋所謂痧也。惜自古以來。從未論及。是以其疾往往不治。余竊以爲生歿甚大望醫如望拯溺。詎可聽人之有是疾而不爲之生全乎。余高曾以經術起家。箕裘累葉。余少列宮牆。讀古惠鮮懷保。慨然有恫恤生民之志。嘗願爲愁者解困。危

者。魁命因徧閱仲景東垣丹溪諸先生
論。而帖括所拘。有懷未展。

鼎革以後。播遷不一。或羈畱武水。或跋涉
秦溪。每憶昔年尋章摘句。不過淹蹇一
身。毫無裨益於世。既而旅食江淮。浪遊
吳越。所在時行痧脹。被禍不少。余心惻
然。思得一術以濟之。竊恐世人犯而不
識。多有坐視其死者。故凡遇杏林先輩。

未嘗不造而問焉。見松隱異人。未嘗不
就而請焉。卽冊籍所載。鮮不於晤對之
間。互相叅攷。然於痧也。究不得一要旨。
已後返棹。攜李揆求高曾所遺前賢諸
秘草。有其傳變難治異症。或定於濂洛
大儒。或議諸楚粵高士。雖篇頁零星。各
有同異。皆透叅靈素甲乙諸經。以推廣
仲景先生之意。惜專籍無傳。沉埋日久。